

蜜義處於道場覺一切智是波羅蜜義降伏衆魔衆是波羅蜜義成就諸佛一切種智是波羅蜜義破諸異見是波羅蜜義十力四無所畏十八不共法成就滿足是波羅蜜義成就十二行法輪是波羅蜜義如是善男子波羅蜜義甚深無量我但爲汝略說之耳尔時

本業

摩訶

會中有天子名師子奮迅光即從座起合掌白佛言善哉世尊如上所說甚深希有諸佛功德譬如甘露充足一切佛告天子善哉善哉如汝所說若有比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩睺羅伽人非人等及菩薩摩訶薩聞是經典必於阿耨多羅三藐三菩提不復退轉何以故天子若有善男子善女人宿植德本乃能得聞是經非是少功德人之所聽聞若有暫聞此經讀誦書寫此人於是身已常見諸佛見諸佛已能於佛所轉妙法輪即得無盡陀羅尼印亦得解一切衆生心行陀羅尼亦

得日光普照陀羅尼亦得淨無垢陀羅尼亦得一切諸法不動陀羅尼亦得金剛不壞陀羅尼亦得甚深義藏演說陀羅尼亦得善解一切衆生語言陀羅尼亦得虛空無垢遊戲無盡印印陀羅尼亦得諸佛化身陀羅尼況復聞已如說修行善男子若有菩薩得如是

法則能於十方世界諸佛刹土化作佛身而爲衆生演說妙法然於法相不動亦無去來雖成就衆生無有衆生而可得者常爲說法而無所說恒現受生而無生滅雖現來去無來去相尔時世尊說是法時三千菩薩得無生法忍無量衆生皆發阿耨多羅三藐三菩提心思無量義菩薩及諸天龍夜叉乾闥婆阿脩羅人非人等聞佛所說歡喜奉行莊嚴菩提心經

佛說菩薩本業經三

我

吳月支優婆塞支謙譯

聞如是一時佛遊於摩竭道場初始得佛光

影甚明白然蓮華寶師子座古昔諸佛所坐
皆爾道德威儀相好如一身意清淨福行普
興明所徹照人利法趣去來現在無復罣礙
誠興於世一切悉等時會菩薩盡一生補處
神通妙達周徧十方導利衆生開佛法藏示
泥洹要觀入人根宿命智德善權方便訓化

以漸解內外法終始不搖等諸佛土無所分
別讚揚佛名不可稱極三塗之事靡不貫達
至皆歎曰佛念吾等建立大志乃悉現我諸
佛世界所有好惡殊勝之國佛所遊居興隆
道化光明神足教誨天人啓示法意佛之本
業十地十智十行十投十藏十願十明十定

十現十印斷我瑕疵及諸疑網悉爲我現佛
行佛智佛神佛力佛定無量變化隨時四事
不護四無所畏十八不絕一切敏慧無上道
德衆事敷露東去無極有香林刹佛名入精
進菩薩字敬首南去無極有樂林刹佛名不
捨樂精進菩薩字覺首西去無極有華林刹

佛名習精進菩薩字寶首北去無極有道林
刹佛名行精進菩薩字慧首東北去無極有
青蓮刹佛名悲精進菩薩字德首東南無極
有金林刹佛名盡精進菩薩字自首西南無
極有寶林刹佛名上精進菩薩字明首西北
無極有金剛刹佛名一乘度菩薩字法首下

方無極有水精刹佛名梵精進菩薩字智首
上方無極有欲林刹佛名至精進菩薩字賢
首是賢者等皆彼第一各與無數上人俱來
誓首佛足坐一面蓮華上彼時敬首菩薩承佛
聖旨歎曰快哉今上人會爲未曾有觀其所
止佛國清淨至於被服如來德式修行微妙

成覺根力演說經法得佛威神隨利清濁度
人無極分布道化靡不周而於此佛土國殊
別者億百千姦賢愚好醜長短壽夭種種言
異皆聞佛德各自名之或有名佛爲大聖人
或有名佛爲大沙門或号衆祐或号神人或
稱勇智或稱世尊或謂能儒或謂昇仙或呼

天師或呼最勝如是十方諸天神人民所稱名佛億萬無數此皆佛本發意已來頒宣道化所誨之徒也

本業願行品第二

是時佛放足下相輪光明悉照佛界諸小國土一國土者一須弥山日月圓遶照四天下

東弗于逮南閼浮提西拘耶尼北鬱單越迴周大海鐵牆圖表上有二十八天如此者為一小國土周匝十方合有百億是時悉現百億須弥山百億日月及四天王忉利天鹽天兜術天不憍樂天化應聲天梵天梵眾天梵輔天大梵天清明天水行天水微天水無量天水音天約淨天徧淨天淨明天守妙天微妙天廣妙天極妙天福受天受勝天近際天善觀天快見天無結愛天識慧天無所念慧天至二十八天色天各有百億是為一佛利名曰忍世界釋迦文佛分身百億悉徧其中於時天人觀眾小國諸佛菩薩若近相見智

首菩薩問苾芻曰本何修行成佛聖首身口意淨不念人惡亦使天下不得其短仁至慈大內性明了殊過弟子別覺之上一切眾邪莫能迴動出生端正色相無比族姓尊貴知重佛法自守志強常行四等高才敏達精進勇健習眾德本諸度無極所為無量恒生福地言見信用降心正意攝念入禪曉空無相無願之法出入四大五陰六入十二緣起七覺不礙通十力智博入諸道濟危解厄為釋梵所敬除闇昧如燭火明天下如日月度眾如般師賢過三界而為上導欲成斯道始當何行敬首荅曰善哉佛子志仰高遠極大慈哀愍傷十方若族姓子族姓女欲成佛道當先正身言念相應口習經典心思可行改往修來不釋道意積德累善施恩不勸然則所問悉可得也為菩薩者必諦受學如佛法教無得增減以誓自誓念安世間奉戒行願以立德本

居家奉誠當願眾生貪欲意解入空法中
孝事父母當願眾生一切護視使得佛道
順教妻子當願眾生今出愛獄無戀慕心
若得五欲當願眾生皆入清淨心無所著
如在伎樂當願眾生悉得法樂歡喜之忍
著寶纓絡當願眾生解去重擔無綺可意
見諸姝女當願眾生棄捐色愛無姪妹態
若上樓閣當願眾生皆昇法堂受佛諸經
身在房室當願眾生覺知汗露無有更樂
布施所有當願眾生興福救乏莫墮慳貪
若患厭家當願眾生疾得解脫無所拘縲
欲棄家出當願眾生離諸惱罪從正得安
入佛宗廟當願眾生近佛行法無復罣礙
詣師友所當願眾生開達入正悉得如願
請求捨罪當願眾生得成就志學不中悔
脫去白衣當願眾生解道修德無有懈怠
受著袈裟當願眾生被服法行心無沾汙
除剃鬚髮當願眾生除相飾好無有衆勞

已作沙門當願眾生受行佛意開導天下
受成就成當願眾生得道方便慧度無極
守護道業當願眾生皆奉法律不犯法教
始受和上當願眾生今如禪解思惟解脫
受大小師當願眾生承佛聖教所受不忘
自歸於佛當願眾生體解大道發無上意
自歸於佛當願眾生體解大道發無上意
自歸於法當願眾生深入經藏智慧如海
自歸於僧當願眾生依附聖眾從正得度
凡開門戶當願眾生開視道法至於泥洹
關閉門戶當願眾生閉塞惡道罪得除盡
入室當願一切眾生安隱靜漠得止觀意
宴坐當願一切眾生坐佛道樹心無所倚
入衆當願一切眾生咸成定慧解度知見
數息當願一切眾生得捨家中無世間念
守意當願一切眾生心不放逸無有雜意
早起當願一切眾生覺識非常興精進意
下牀當願一切眾生履踐佛迹心不動搖

著裳當願一切衆生常知慙愧攝意守道
結帶當願一切衆生束帶修善志無懈怠
次著中衣當願衆生恭勤畏慎無有慢惰
披上法衣當願衆生服聖表識敏於道行
左右便利當願衆生調除汙穢無姪怒癡
已而就水當願衆生軟和軟弱清淨謹勅

用水溉淨當願衆生以法自洒無復惡態
手執楊枝當願衆生學以法句摘去諸垢
澡漱口齒當願衆生盪滌情性如清淨住
盥手當願一切衆生得軟淨掌執受經道
澡面當願一切衆生當向清淨心無瑕疵
出門當願一切衆生如佛所欲出度三界

向道當願一切衆生向無上道志不退轉
行道當願一切衆生遊於無際不中休息
上坂當願一切衆生樂昇上道無所疑難
下坂當願一切衆生深入廣博微妙法中
行於曲路當願衆生棄邪曲意行不悖忤
行於直路當願衆生得中正意言無詭譎

見風揚塵當願衆生經明行修心無紛亂
見雨掩塵當願衆生大慈伏意不起諸想
涼息樹下當願衆生伏心在道經意不疲
入樹澤中當願衆生學爲儒林養徒以德
行見高山當願衆生志仰高大積德無狀
行見刺棘當願衆生三毒消滅無賊害心

得好樹葉當願衆生以道自蔭入禪三昧
樹華繁熾當願衆生三十二相諸好滿具
菓蓀盛好當願衆生起道樹行成無上果
觀諸流水當願衆生得正溝流入佛海智
觀諸陂池當願衆生一切功德慧行充滿
若得泉水當願衆生入佛淵智所問無窮

過望江海當願衆生深入佛藏無盡之法
見人汲井當願衆生開心受法得一味道
過度橋梁當願衆生與造法橋度人不休
見修園圃當願衆生芸除穢惡不生欲根
見田稻穀當願衆生廣殖福德不爲災患
見好園圃當願衆生得周滿持道法備具

見丘聚舍當願衆生常處仁智行無危殆
見精學堂當願衆生講誦經道日進不衰
見人衆聚當願衆生功德得佛成弟子衆
見人閑居當願衆生恬快無爲遊至典藉
得見沙門當願衆生多聞戒具誨人不勸
見異道人當願衆生遠去邪見入八正道
行見仙人當願衆生意行具足所欲者成
行到城郭當願衆生持戒完具心無毀缺
望見宮闕當願衆生聰明遠照諸善普立
若見帝王當願衆生得奉聖化如正道教
見帝王子當願衆生履佛子行化生法中
若見公卿當願衆生明於道理助利天下

若見日吏當願衆生中正修善無國賊心
見被鎧甲當願衆生誓被法鎧不違本願
見魯鈍人當願衆生勇於道義成四無畏
見愁憂人當願衆生離諸恐怖無有憂戚
見喜笑人當願衆生捨非常樂五欲自娛
見勤苦人當願衆生得泥洹道免度諸厄

見安樂人當願衆生安使如佛恬怕無患
見疾病人當願衆生知空非身無苦痛意
見強健人當願衆生得金剛形無有衰耗
見醜陋人當願衆生去醜惡行以善自嚴
見端正人當願衆生意行質直愛好道法
見報恩人當願衆生念佛恩德行菩薩行
見背恩人當願衆生降心伏意棄捐諸惡
見貪欲人當願衆生法施天下無慳貪意
行持錫杖當願衆生依杖於法分洩德化
執持應器當願衆生受而知施修六重法
入里分衛當願衆生如戒求法無有凝妄
到入門戶當願衆生入摠持門悉見諸法

入人堂室當願衆生昇佛聖堂深行微妙
人不與食當願衆生得般若意無忘無錯
主人來辦當願衆生離三惡道無飢渴想
授空應器當願衆生皆得至空無欲之法
受滿應器當願衆生一切成滿道品之法
擊持鉢飯當願衆生爲法供養志在大道

與廉人坐當願眾生廉潔知耻所作不妄
坐有貪人當願眾生無有強顏貪鄙之心
得香美食當願眾生知節少欲情無所著
得不美食當願眾生知身幻法好惡無異
舉飯向口當願眾生悉得諸經諸佛法味
所嗽雜味當願眾生味味如佛化成甘露

飯食已訖當願眾生德行充盈成十種力
講經說法當願眾生志道開達聞法即悟
呪願達觀當願眾生悉令通佛十二部經
罷坐退去當願眾生一切究竟得三甘露
如欲入水當願眾生身口意淨等於三塗
漂浴身體當願眾生盡除心垢見生死際

盛暑熱極當願眾生得清涼定滅一切苦
冰凍寒甚當願眾生心冷愛除無復情欲
誦讀經偈當願眾生博解諸法無得漏忘
若得見佛當願眾生常與佛會行七覺意
見佛圖像當願眾生悉觀十方眼無障礙
拜謁佛時當願眾生得道如佛莫能見頂

誓首而起當願眾生皆如佛意尊貴無上
始欲旋塔當願眾生施行福祐究暢道意
遶塔三匝當願眾生得一向意不絕四喜
行詠歌經當願眾生念佛恩德行法供養
畢住讚佛當願眾生光明神力如佛法身
暮將洗足當願眾生得四神足周遍十方

昏夜寢息當願眾生去離陰冥無復五蓋
卧覺當願都使眾生得佛十八不絕之法
是為菩薩戒願俱行兼愛博施不捨十方
於是忍世界百億天帝釋皆於忉利紫紺殿
上化作七寶師子之座施交露蓋帶以綵潔
已各誓首請佛佛意悉知即為分身徧諸釋

殿一一佛者從眾菩薩一切天帝莫不悅豫
其下百億小國續自見佛如故不減時十方
剎復來雲集法意菩薩首意菩薩賢意菩薩
勤意思意知意審意尊意重意盡意菩薩等
各從一方與無數上人俱來誓首佛足各坐
一面蓮華上法意菩薩即如其像正坐定意

入於無量會見三昧悉見十方無數諸佛各
申右手摩其頭俱言善哉法意明健乃得是
定十方如來及釋迦文以皆拜汝成佛功德
備微妙辯知空無者行究竟暢法要如諸佛
語知眾生意汝行以備得佛不久今使汝說
菩薩十住今諸學者普知所行於是法意善

薩得佛辯明皆善具不忘不難從定意覺
而言曰諸族姓子欲求佛者有十地住往古
來今皆由此成眾祐所歎是舍無量請具陳
說如佛所言何等為十第一發意第二治地
第三應行第四生貴第五修成第六行登第
七不退第八重具第九了生第十補處何謂

發意菩薩法住有十事謂初見佛十功德起
一見佛端正二身色相具三神足現化四道
德深奧五儀法無比六謂知人意七出經教
明八所言諦解九見生死苦十體樂佛法稍
稍開解便發道意欲悉曉了佛十力之智其
學有十當知禮事諸佛當曉說菩薩德當諦

了生死本當願修貴治福當行今勝三界當
學佛功德業當求更見諸佛當習諸深三昧
當悲念罪苦人當從生死輪還上頭初
發意地何謂治地菩薩法住有十事以次學
一念人善二潔淨心三柔軟意四安靜志五
常布施六行慈愛七利天下八助平均九現

彼如已十敬人如師復有十學當多調經營
遠鄉土當近明師當學善言當知時當精進
當入要當曉行當不忘當安止是為次第治
地之行何謂應行菩薩法住有十事入如經
一見無常二見生苦三見行空四見非身五
見無主六無所貪七無所著八無為九無欲

十無求復有十學當念人當念利當念法念
地種念水種念火種念風種念欲界念色界
念無色界心無所慕是為分別應行之地何
謂生貴菩薩法住有十事隨佛行一不還邪
道二專心向佛三思惟法意四觀功德行五
見人如化六見利如夢七見殃福空八見諸

法如幻九苦樂無異十解泥洹情復有十學
當知思念去佛意空來佛意空今佛意空去
佛法淨來佛法淨今佛法淨去佛自然來佛
自然今佛自然諸佛興等皆無有異是為平
正生貴之地何謂修成菩薩法住有十事行
濟人一為人方便二令人安隱三振救天下

人四慈念一切五悲傷眾生六令人歡喜七
護視人物八勸人修道九為現清淨十今得
泥洹復有十學當知眾生無有要無有種無
有數無有造無有正不可思不可稱不可度
不可具說為一切空是為聖行修成之地何
謂行登菩薩法住有十事受輒成一聞稱佛
讚佛心無異二聞譽法毀法心無異三聞菩
薩善善菩薩惡心無異四聞人相平諄心無異
五聞人衆人寡心無異六聞經多經少心無
異七聞生苦生樂心無異八聞人難度人易
度心無異九聞法興法衰心無異十遭有道
遭無道心無異復有十學心無想不受想不

計身無我所無有見無有主無有受為如化
為不誠無所有是為盡信行登之地何謂不
退轉菩薩法住有十事志牢強一言有佛無
佛不退轉二言有法無法不退轉三有菩薩
無菩薩不退轉四有求佛無求佛不退轉五
有得佛無得佛不退轉六古有聖道無聖道

不退轉七今有聖道無聖道不退轉八後有
聖道無聖道不退轉九言三塗同三塗異不
退轉十言佛智有盡無盡不退轉復有十事
開微慧入大智開大智入微慧現一法入衆
經現衆經入一法解衆生入空要解空要入
衆生釋有想入寂定釋寂定入有想說少淨

入多想說多想入少淨是為轉進不退之地
何謂童真菩薩法住有十事隨所入一身口意
不犯二一切無瑕玼三志在一所生四見人知
內慈五知人心所信六知人意所解七不受彼
雜想八知諸刹成敗九神足疾徧到十方十周
滿持諸法復有十事學知佛世界學如佛智能

學現佛神足行學莊嚴諸佛利學徧遊諸佛
國土學法答眾問學變化無不現學佛聲出
諸法學轉而十方學作一念見無數佛是為
清淨童真之地何謂了生菩薩法住有十事
受慧見一知一切生何道二知眾生所習縛三
知人本所更來四知所行殃福之報五知人受

行何法六知人心念好惡七知人意念若干變
八知十方國清濁九知三塗無量慧十知諦
要說如應復有十事學法王政行學法王禮
儀學法王興立學法王出入學法王周遊學
法王威儀學法王坐起學法王教令學法王
拜人學法王巡行利土是為受決了生之地
何謂補處菩薩法住有十事智難及一當念
感動無數國二當為無數國現明三當為無
數國立法四當開度無數國五當利安無數
國六當聲曉無數人七當觀察知眾生意八
當知眾生無極念九今無數人入法十以次
第現人慧了生所不及補處者十不能知其

身事志行神足定念達古知今見後明處及
修利法聖意之事補處所欲又有十事學佛
三塗無際之慧學具足諸佛法學法法無所
著學諸佛無底藏學神智成其利學光明照
十方學佛定感諸國學權道隨意化學徧教
令成就學合會轉法輪所以學者欲一切知

已一切敏無所獲學是名補處從十法知
現世得紹代無上正真之道為最正覺度脫
天下佛言善哉法意菩薩可謂佛子一切十

九二本

方去來現在佛皆由此興是法無際所照無
量度人無極智心無盡佛說經已皆大歡喜

佛說菩薩本業經

經

戒一

點開八切筋 音斤 虛 烏合切 覺 音或 譚 譚
勸 居員切 伎 支義切 親 初觀切 諄 之倫切